



ИНДУСТРИАЛДЫ АЙМАҚТЫ ДАМУҒА МАҢЫЗДЫ

Мемлекет басшысы Алматы облысының әкімі Марат Сұлтанғазиевті қабылдады.

Қасым-Жомарт Тоқаевқа Алматы облысының 2025 жылдың бірінші тоқсанындағы әлеуметтік-экономикалық дамуы туралы есеп берілді.

Марат Сұлтанғазиев экономиканың негізгі секторларында өсім байқалатынын баяндады. Атап айтқанда, өнеркәсіптік өндіріс көлемі 507,9 миллиард теңгені, ауыл шаруашылығы өнімі 97,4 миллиард теңгені құраған. Шағын және орта бизнес субъектілерінің саны 146,2 мыңға жетіп, 7,7 пайызға артқан.

Президентке жыл басынан бері 12 жаңа өнеркәсіп жобасының іске қосылғаны туралы мәлімет берілді. Оның ішінде GALANZ bottlers өндіріс алаңының кеңеюі, «Бартоғай ГЭС-28» және Шарын өзеніндегі шағын ГЭС қаскадының құрылыстары сияқты ауқымды жобалар бар. Жалпы, өңірде құны 2,4 триллион теңгені құрайтын 122 жоба жүзеге асырылып жатыр. Нәтижесінде, 36 776 жұмыс орны ашылады.

Мемлекет басшысына Қонаев және Алатау қалаларын дамыту барысы жөнінде айтылды. Жаңа бас жоспарға сәйкес, облыс орталығында Smart Qonaev қаланы басқарудың бірыңғай жүйесі енгізілуде. Алатау қаласының бас жоспарына түзетулер жасау және көлік-инженерлік инфрақұрылымды жобалау жұмыстары басталды.

Облыс әкімінің айтуынша, «Жайлы мектеп» ұлттық жобасы аясында 17 білім ордасының құрылысы қолға алынған. Бұдан бөлек, өңірдегі үш ауысымды оқу мәселесін шешу үшін мемлекет-жекеменшік әріптестік негізінде 19 мектеп салу жоспарланған. 2025-2027 жылдары 91 оқу ошағында күрделі жөндеу жұмыстары жүргізіледі.

Мемлекет басшысы Қонаев және Алатау қалаларын, жалпы Алматы агломерациясын дамытуға қатысты барлық белгіленген мақсаттарды сапалы әрі уақытылы орындаудың маңызын атап өтті. Президент индустриалды аймақтар мен Alatau АЭА-ның әлеуетін нығайтуға, сондай-ақ коммуналдық және елді мекендердегі жолдардың құрылысына баса мән беруді тапсырды.

КӨҢІЛ АЙТУ

Қасым-Жомарт Тоқаев тілтанушы және әдебиеттанушы, Мемлекеттік сыйлықтың иегері Сейіт Қасқабасовтың қайтыс болуына байланысты оның отбасы мен жақын-жуықтарына көңіл айтты.

— Сейіт Асқарұлы ұлт руханиятын ұлықтап, қазақ ауыз әдебиетін терең зерделеуге бар саналы ғұмырын арнаған зиялы тұлға еді. Әсіресе, отандық фольклортануға өлшеусіз үлес қосты. Іргелі еңбектер жазып, ұлағатты ұстаз ретінде көптеген шәкірт тәрбиеледі. Өнегелі өмір сүріп, сонына рухани мол мұра қалдырған Сейіт Асқарұлының жарқын бейнесі ұмытылмайды, — деп жазылған жеделхатта.



ҒАСЫР ЖАСАҒАН ЖАУЫНГЕР



Әлем тарихында қанды әріппен жазылған Екінші дүниежүзілік соғыс өртінің өшкеніне де биыл 80 жыл толып отыр. Сол уақытта қан майданға елімізден талай жауынгер аттанып, көптеген тағдыр соғыс шырғалаңында талқан болды. Бүгінде елге аман-есен оралғандардың да көзі тірісі саусақпен санарлық. Соның бірі – сырдариялық Яхия Тасыровтың өмір жолы өзгеше өрнекке толы.

→ 6



ЖАН ДҮНИЕГЕ ЖАНАШЫРЛЫҚ

Президенттің Жолдауында халықтың, әсіресе ескелең ұрпақтың психикалық денсаулығын, психологиялық қолдау қызметтерін құрудың маңыздылығы атап өтіледі. Бүгінде елімізде психологиялық қызмет көрсету саласының дамуы өзекті мәселелердің біріне айналды. Қолданыстағы бірыңғай стандарттар мен лицензиялау жүйесі мамандардың кәсіби деңгейіне қаншалықты кепіл болып отыр? Жыл сайын дайындалып жатқан 6,5 мыңнан астам психологтің білім сапасы мен практикалық қабілеттерін бақылау тетіктері қандай? Осы бағытта әзірленіп жатқан заң жобасы саладағы қандай проблемаларды қамтиды? Біз мұны «Алаңда» сарапшылардан сұрап көрдік.

→ 4

ҚҰНАНБАЙДАН ҚАЛҒАН ҚҰНДЫ МҰРА



Тарих – ұлттың тамыры. Ал тарихын ұлықтамаған ұлттың болашағы бұлыңғыр екені хақ. Бүгінде есте жоқ ескі заманнан жеткен құнды жәдігерлеріміз аз емес. Кейбір құндылықтарымыз топырақтан аршылып, күні бүгінге дейін жарыққа шығарылуда. Одан бөлек, кезінде қолдан-қолға мұра болып қалып, қазір құтты тұғырын тауып жатқан жәдігерлеріміз де баршылық. Соның бірі – Құнанбай ауылынан жеткен ағаш табақ.

→ 5

Жансая
МҰРАТБЕКҚЫЗЫ:

Қазақша стендапта ҚЫЗДАР АЗ



«Әр адам өз трагедиясын айтады» деген ұғым стендаптың терең философиясын сипаттайтындай. Комиктің айтқанына күлесің, бірақ ішіңнен: «Мен де осындай жағдайды бастан кешкенмін...» деп ойланып қаласың. Комиктер өз өмірлерінен алынған мысалдар арқылы қазақ қоғамының түйткілін, отбасындағы қысым, кедейлік, білім жүйесі, тіпті психологиялық жарақаттарды әзілмен жеткізеді. Әзіл арқылы трагедияны айту – оны жеңудің жолы. Бұл – стендаптың шын мәніндегі күші. Біз қазақша стендапта қыздардың үнін жеткізіп жүрген, комик Жансая Мұратбекқызымен сұхбаттастық.

→ 8

29 СӘУІР 2025 | СЕЙСЕНБІ



ЖАЛПЫҰЛТТЫҚ БІРЛІК ИДЕЯСЫН БЕЛСЕНДІ ДӘРІПТЕУ ҚАЖЕТ

Сенат Спикері Мәулен Әшімбаевтың төрағалығымен палата бюросының отырысы өтті. Онда депутаттар Сенаттың іс-шаралар жоспарын іске асыру аясындағы міндеттерді талқылады.

Мәулен Әшімбаев өз сөзінде Мемлекет басшысы Қазақстан халқы Ассамблеясының XXXIV сессиясында белгілеп берген этносаралық қатынастар саласындағы міндеттерге назар аударды.

«Президентіміз Қасым-Жомарт Тоқаев қоғамдық келісім саласындағы бірқатар маңызды бастаманы айқындап берді. Бұл ретте «Бір ел – бір мүдде» депутаттық тобының өңірлермен өзара іс-қимылы одан әрі нығайту және жалпұлттық бірлік идеяларын ақпараттық тұрғыдан белсенді түрде дәріптеу қажет екені айтылды. Мемлекет басшысы Әлемдік және дәстүрлі діндер көшбасшылары съезінің аталған бағыттағы рөлін де ерекше атап өтті. Осы орайда сенаторлардың елдегі қоғамдық келісімді нығайтуға, азаматтардың құқықтарын қорғауға және Әділетті Қазақстан қалыптастыруға қажетті берік заңнамалық база құруды көздейтін жұмысы айрықша мәнге ие», – деп палата Төрағасы әріптестерін Мемлекет басшысы жүктеген міндеттерді сапалы іске асыру жолында одан әрі белсенділік танытуға шақырды.

Сонымен қатар сенаторлар осы аптада өтетін комитет отырыстарында қаралатын тақырыптарды пысықтады. Атап айтқанда, палата депутаттары әскери қызметшілер мен олардың отбасы мүшелерін медициналық қамтамасыз ету, Ұлттық қор қаражатын басқару тиімділігін арттыру, жылу энергетикасы және ветеринариялық қызмет саласын дамыту мәселелерін талқылайды. Сондай-ақ «Қазақстан Республикасының кейбір заңнамалық актілеріне экономикалық құқықбузушылықтардың жекелеген түрлерін қылмыстық сипаттан арылту және заңсыз жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы заңнамасын жетілдіру мәселелері бойынша өзгерістер мен толықтырулар енгізу туралы» заңды жүзеге асыру аясында кәсіпкерлік субъектілерінің құқықтарын қорғау мәселелеріне арналған дөңгелек үстел ұйымдастырылды. Іс-шарада депутаттар мүдделі тараптармен бірлесіп, аталған саладағы түйткілдерді шешу және оны дамыту тетіктерін талқылайды.

РОБОТ ОТА ЖАСАДАЙ

Елімізде алғаш рет Қазақ онкология және радиология ғылыми-зерттеу институтында робот операция жасады.



Бірегей хирургиялық ота онкологиялық аурудың асқынған түріне жасалған. Осылайша, зақымдалған бүйрек, бүйрекүсті без және аймақтық лимфа түйіндері алынып тасталды.

Операцияны жасауға жаңа буындағы роботтандырылған хирургиялық платформа – Sage bot SR–2000 қолданылды.

Айта кетерлігі, хирургиялық платформа тіпті күрделі клиникалық жағдайлардың өзінде азинвазивті операцияларды жасауға кең мүмкіндікке ие. Оның бұған дейін қолданылған жартылай автоматты жүйелерден айырмашылығы – Sage bot SR–2000 хирургиялық дәлдік, көзбен көру және бақылаудың жаңа деңгейіне шығуға жол ашты. Сондай-ақ бұрын техникалық тұрғыдан қолжетімділігі қиын онкологиялық ауруларды емдеуге жаңа мүмкіндіктер ұсынып отыр.

Бұл оқиға Қазақстандағы онкохирургияның дамуына жаңа серпін берді. Біз пациенттерімізге тіпті, ең күрделі клиникалық жағдайларда көмек көрсете алатынымызға қуаныштымыз, – деп атап өтті ҚазОПФЗИ директоры Ербол Бекмұхамбетов.

ҚАЙТҚАН ҚАРЖЫҒА ҚҰБЫР ЖЕЛІСІ ЖАҢАРТЫЛАДЫ

Мемлекет басшысының тапсырмасына сәйкес, Үкімет заңсыз иемденілген активтерді қайтару есебінен әлеуметтік маңызы бар инфрақұрылым нысандарын салу жобаларын жүзеге асыруда.

Ақмола облысындағы Қосшы және Макин қалаларының тұрғындарын сумен қамтамасыз ету үшін Арнаулы мемлекеттік қордан қаражат бөлу туралы шешім қабылданды.

Қосшы қаласында су құбыры жүйесінің құрылысын аяқтауға 476,7 млн теңге бөлінді. Жобаны іске асыру нәтижесінде халық 100% орталықтандырылған сумен қамтылады. Қазір шамамен 50 шақырым құбыр тартылған. Жалпы, желілердің ұзындығы 64,1 шақырым болады деп жоспарланып отыр. Нысанды жыл соңына дейін тапсыру көзделген. Қолданыстағы инженерлік желі 30 мың тұрғынға есептелген. Ал ресми деректерге сәйкес, бүгінде Қосшыда 50 мыңнан астам адам тіркелген. Қаланың бас жоспарына сәйкес, 2038 жылға қарай тұрғындар саны 150 мыңнан асады деп болжанды.

Макин қаласында су құбыры желілерін қайта жанарту жұмыстары жүргізілуде. Жоба бойынша 72,7

шақырым желі тарту қарастырылған. Бұған дейін бөлінген қаражат есебінен бүгінде 45 шақырым бойынша жұмыс аяқталған. Арнаулы мемлекеттік қордан бөлінген 606,4 млн теңге жобаны толық аяқтап, халық 18 мыңнан асатын қаланы орталықтандырылған сумен қамтамасыз етуге мүмкіндік береді.

Заңсыз шығарылған активтерді қайтарудан түскен қаражатты әлеуметтік мәселелерді шешуге бағыттау туралы Мемлекет басшысының тапсырмасын орындау әлеуметтік инфрақұрылымды жаңғыртудың тиімді тетігіне айналды. Бүгінде Арнаулы мемлекеттік қордан білім беру, денсаулық сақтау, спорт, әлеуметтік қамсыздандыру, инженерлік желілер мен су құрылыстарын жанарту сияқты салалардағы 280-ге жуық жобаны іске асыруға қаражат бөлінді.

Мейір ЖАСЫН

КОЛЛЕДЖДЕР ЗАМАН ТАЛАБЫНА САЙ БОЛУЫ КЕРЕК

«AMANAT» партиясы жанындағы Білім беру және денсаулық сақтау мәселелері жөніндегі республикалық кеңестің кезекті отырысында жұмысшы мамандықтардың беделін арттыру және колледждерді заман талабына сай жаңғырту мәселесі талқыланды.



Министрліктер колледждердегі халықаралық стандарттардан бастап, цифрлық кәсіптік бағдарлау платформаларына дейінгі ауқымды өзгерістер ұсынды. Алайда депутаттар мамандықтардың беделі сапалы білім беруден басталатынын еске салады.

Кенес төрағасы, Мәжіліс депутаты Жұлдыз Сүлейменова «AMANAT» партиясы атқарған ауқымды жұмыс арқылы ТЖКБ-ны қаржыландырудың жаңа басына шаққандағы нормативі екі есе артқанын атап өтті. Мәселен, егер 2024-2025 оқу жылында жан басына шаққандағы қаржыландыру көлемі орта есеппен 437 мың теңгені құраса, 2025-2026 оқу жылында бұл көрсеткіш 917 мың теңгеге дейін ұлғайды. Жан басына шаққандағы нормативтің ұлғаюы жекеменшік ұйымдардағы педагогтердің жалғыз мөлшерін мемлекеттік деңгейге теңестіруге мүмкіндік береді. Бұл ретте ТЖКБ оқытушыларына ғылыми дәрежесі үшін үстемеақы белгілеу мәселесі қарастырылуда.

Сондай-ақ депутат «педагог-модератор» және «педагог-сараншы» біліктілігіне ие арнайы пән оқытушылары мен өндірістік оқыту шеберлеріне еңбек өтіліне қарай 35%-ға дейін үстемеақы белгіленгенін мәлімдеді.

Отырыс барысында бейінді министрліктер мен ведомстволардың өкілдері сөз сөйлеп, Мемлекет басшысы жариялаған Жұмысшы мамандықтары жылы аясында техникалық және кәсіптік білім беруді трансформациялау бойынша қолға алған жүйелі жұмыстарын таныстырды.

Оқу-ағарту вице-министрі Еділ Оспан министрлікке колледждерді трансформациялау бойынша тапсырма берілгенін атап өтті. Осы мақсатта 2025-2027 жылдарға арналған Жол картасы бекітілді. Онда техникалық және кәсіптік білім беру ісін дамытудың басым бағыттары айқындалды. Олардың қатарында инновациялық менеджмент, білім беру мазмұнын жаңарту, колледждердің бизнеспен синергиясы, цифрландыру, интернационалдандыру және құқық-

тық базаны жетілдіру бастамалары бар. Сондай-ақ Е. Оспан жұмыс берушілердің қатысуымен әзірленген оқу бағдарламаларын жаңартуға көп көңіл бөлінетінін атап өтті. Осы талап негізінде шамамен 8000 оқу бағдарламасы әзірленді. Сонымен қатар ол WorldSkills Kazakhstan Ұлттық құзыреттер орталығын құру, 5 IT орталық пен FabLab-ты іске қосу, 20 өңірлік кластер құру, дуальді оқыту орталықтары мен ТЖКБ-ның цифрлық платформасын ашу және 6 мыңға жуық оқытушының біліктілігін арттыру шаралары туралы айтты.

Жоғары білім беру саласындағы міндеттердің жүзеге асырылу барысы жөнінде Ғылым және жоғары білім министрлігі Жоғары және жоғары оқу орнынан кейінгі білім комитетінің төрағасы Гүлзат Көбенова баяндады. Ол Ғылым және жоғары білім министрлігіне еліміздің барлық өңірінде мамандықтардың атлас картасын әзірлеу және енгізу тапсырылғанын атап өтті. Жаңа мамандықтар мен құзыреттердің картасы 2022 жылдан бері енгізіліп келеді. Осы уақыт аралығында 9 өңір қамтылды. Биыл тағы 11 өңір қосылады.


Өз кезегінде, Еңбек және халықты әлеуметтік қорғау вице-министрі Асқар Биыхметов 864 кәсіби стандартты қамтитын Ұлттық біліктілік жүйесінің рөлін және оның кадрлар даярлау жұмысына әсерін атап өтті. Биыл 100-ге жуық кәсіби стандартты жаңарту жоспарлануда. 6 біліктілікті тану орталығы аккредиттелді. Тағы 5 орталық ашу жоспарлануда. Оның ішінде ERG және Pearson сияқты халықаралық серіктестермен бірлескен бастамалар да бар.

Жұмысшы мамандықтары жылындағы негізгі жобалардың қатарында 7-11-сынып оқушыларына арналған жаңа кәсіптік диагностика функционалы бар «Мансап компасы» платформасы, 500 мыңнан астам мектеп оқушысы мен ТЖКБ студенттерін қамтитын Skills.enbek.kz платформасындағы «Сенің мансап жолың» курсы бар.

Елнар ЕЛТАЙ

ӘЙЕЛДЕР ВАГОНЫ КӨБЕЙДІ

«Жолаушылар тасымалы» АҚ 1 маусымнан бастап №614/613 «Орал – Маңғыстау» бағытындағы пойыз құрамында әйелдер вагонын іске қосады.



«Әйелдер вагонында билеттер тек әйел жолаушыларға сатылады, ал қызмет көрсету міндетін арнайы дайындықтан өткен әйел жолсеріктер орындайды. Сонымен қатар бұл вагонда жеті жасқа дейінгі ұл балалардың бірге жүруіне рұқсат берілген. Касса қызметкеріне әйелдер вагонынан орын таңдағыңыз келетінін алдын ала айту қажет. Сонымен қатар билеттерді ilet.railways.kz ресми сайтынан онлайн сатып алуға мүмкіндік бар. Онлайн рәсімдеу кезінде билеттің әйелдер вагонына тиесілі екенін білдіретін «ӘВ» (әйелдер вагоны)

белгісіне назар аудару керек», – делінген компания таратқан хабарламада.

Естеріңізге салсақ, қазір әйелдер вагондары №77/78 «Алматы – Маңғыстау»; №351/352 «Алматы – Маңғыстау»; №45/46 «Павлодар – Түркістан»; №37/38 «Маңғыстау – Семей»; №47/48 «Атырау – Астана»; №33/34 «Ақтөбе – Алматы»; №4/3 «Астана – Алматы»; №71/72 «Астана – Шымкент»; №354/353 «Астана – Семей»; №24/23 «Ақтөбе – Алматы»; №25/26 «Алматы – Шымкент»; №614/613 «Орал – Маңғыстау» бағыттарында бар.

«Астана-АЭК» АҚ-ның 2024 жылғы инвестициялық бағдарламаның орындалуы туралы ақпарат

Main financial performance table with 18 columns: р/с, Реттелін көрсетілетін қызметтердің қызметтердің аумақ, Іс-шаралардың атауы, Өлшем бірлігі, Табиғи көрсеткіштердегі саны (Жоспар, Факт), Инвестициялық бағдарлама (жоба) шеңберінде қызмет көрсету кезеңі, Жоспар, Факт, Ауытқу, Бекітілген инвестициялық бағдарламаға (жобаға) байланысты іске асыру жылдары бойынша негізгі қорлардың (активтердің) тозуы (физикалық) төмендеуі, ағымдағы жылдың фактісі, Бекітілген инвестициялық бағдарламаға (жобаға) байланысты іске асыру жылдары бойынша шығындары азайту, жоспар, факт, Бекітілген инвестициялық бағдарламаға (жобаға) байланысты іске асыру жылдары бойынша авариялықты төмендету, өткен жылдың фактісі, ағымдағы жылдың фактісі, Бекітілген инвестициялық бағдарламада (жобада) қорсеткіштерін көрсеткіштерден ауытқу себептерін түсіндіру, Көрсетілетін реттелін қызметтердің (тауарлардың, жұмыстардың және мен сенімділігін арттыруды бағалау

«Астана - Аймақтық Электржелілік Компаниясы» АҚ-ның тұтынушылар мен өзге де мүдделі тұлғалар алдында электр энергиясын беру жөніндегі 2024 жылғы қызметі туралы есебі
«Астана-Аймақтық Электржелілік Компаниясы» АҚ Қазақстан Республикасының заңнамасы, кәсіпорын Жарғысы негізінде әрекет етеді. «Астана-АЭК» АҚ негізгі қызмет түрі «электр энергиясын беру қызметі» бойынша табиғи монополия субъектісі болып табылады.
31.12.24 жылғы жағдай бойынша Компания:
- 1 330,1 км әуе желілері;
- 5 202,8 км кабель желілері;
- 1 802 дана шағын станцияға техникалық қызмет көрсетуде.
Шартты бірліктегі көлемі – 107 129,4 (2023 ж. – 104 829,1).
1. 2024 жылғы қызметтің негізгі қаржылық-экономикалық көрсеткіштері туралы.
2024 жылғы қолданыстағы тарифтер:
01.01.2024 жылдан бастап 31.10.2024 жылға дейін – КҚС есептемегеңде 1 кВт / сағ үшін 6,70 теңге (ТМРҚД 26.12.2023 ж. №135 - НК бұйрығы).

Summary table with 6 columns: р/с №, Көрсеткіштердің атауы, Өлшем бірлігі, ТМРҚД-ның 2024 ж. 25.11.2024 ж. №81-ОД бұйрығымен бекітілген (01.01.2024 ж. бастап 31.12.2024 ж. дейін), 2024 жылғы нақты қалыптасқан көрсеткіштер (күтілуде), Ауытқу, %

АҚША ҚАРАЖАТЫНЫҢ ҚОЗҒАЛЫСЫ ТУРАЛЫ ЕСЕП (ТКЕЛЕЙ ӨДІС) 2024 жылғы 31 желтоқсанда аяқталатын кезең үшін
Көрсеткіштердің атауы, Жолдың коды, Есепті кезеңнің аяғында (күтілуде), Есепті кезеңнің басында
I. Операциялық қызметтен түскен ақша қаражаттарының қозғалысы
1. Ақша қаражатының түсуі, барлығы (011-жолдан 016-жолды қоса алғанда сомасы)
Тауарлар мен қызметтерді өткізу, сатып алушылардан, тапсырыс берушілерден алынған аванстар өзге де түсімдер
2. Ақша қаражатының шығуы, барлығы (021-жолдан бастап 027-жолды қоса алғанда сомасы)
Тауарлар мен қызметтер үшін өнім берушілерге төлемдер, тауарлар мен қызметтерді берушілерге берілген аванстар, еңбекақы төлеу бойынша төлемдер, сактандыру шарттары бойынша төлемдер, табыс салығы және бюджетке төленетін басқа да төлемдер өзге де төлемдер
3. Операциялық қызметтен түскен ақша қаражатының таза сомасы (010-жол – 020-жол)
II. Инвестициялық қызметтен түскен ақша қаражатының қозғалысы
1. Ақша қаражатының түсуі, барлығы (041-жолдан 052-жолды қоса алғанда сомасы) оның ішінде:
Негізгі құралдарды сату, алынған сыйақылар
2. Ақша қаражатының шығуы, барлығы (061-жолдан 073-жолды қоса алғанда сомасы) оның ішінде:
Негізгі құралдарды сатып алу, материалдық емес активтерді сатып алу
3. Инвестициялық қызметтен түскен ақша қаражатының таза сомасы (040-жол – 060-жол)
III. Қаржы және капитал қозғалысы
1. Ақша қаражатының түсуі, барлығы (091-ден 094-ке дейінгі жолдардың сомасы) оның ішінде:
Акциялар мен басқа да қаржы құралдарының эмиссиясы, Қарыз алу
2. Ақша қаражатының шығуы, барлығы (101-ден 105-ке дейінгі жолдардың сомасы) оның ішінде:
Басқа шығыстар
3. Қаржы қызметінен түскен ақша қаражатының таза сомасы (090-жол-100-жол)
4. Ақша қаражатының ұлғаюы +/- азаюы (030 + жолы / - 080 + жолы / - 110 + жолы / - 120 + жолы / - 130 жолы)
5. Есепті кезеңнің басындағы ақша қаражаттары және олардың баламалары
6. Есепті кезеңнің соңындағы ақша қаражаттары және олардың баламалары

ПАЙДАЛАР МЕН ЗАЛАЛДАР ТУРАЛЫ ЕСЕП
2024 жылғы 31 желтоқсанда аяқталатын кезең үшін.
Көрсеткіштердің атауы, Жолдың коды, Есепті кезең үшін мың теңгеде (күтілуде), Алдыңғы кезең үшін мың теңгеде
Алдыңғы кезең үшін, Өткізілген тауарлардың, жұмыстар мен қызметтердің өзіндік құны, Жалпы пайда (шығын) (010 жол-011 жол), Өкімшілік шығыстар, Операциялық пайда (залал) жиыны (+/- 012-ден 014-ке дейінгі жолдар), Қаржылық кірістер, Басқа да кірістер, Басқа да шығындар, Салық салуға дейінгі пайда (залал) (+/- 020-дан 025-ке дейінгі жолдар), Табыс салығы бойынша шығыстар (-) (кірістер +)), Жалғасын жатқан қызметтен салық салынғаннан кейінгі пайда (залал) (100-жол + 101-жол)

БУХГАЛТЕРЛІК БАЛАНС
2024 жылғы 31 желтоқсанда аяқталатын кезең үшін.
Активтер, Жолдың коды, Есепті кезеңнің аяғында (күтілуде), Есепті кезеңнің басында
I. Қысқа мерзімді активтер:
Ақша қаражаттары және олардың баламалары, Басқа қысқа мерзімді қаржы активтері, Қысқа мерзімді сауда және басқа дебиторлық берешек, Ағымдағы табыс салығы, Қорлар, Басқа да қысқа мерзімді активтер, Қысқа мерзімді активтердің жиыны (010-022 жолының сомасы)
II. Ұзақ мерзімді активтер
Негізгі құралдар, Материалдық емес активтер, Басқа да ұзақ мерзімді активтер
2. Ұзақ мерзімді активтердің жиыны (110-дан 127-ге дейінгі жолдардың сомасы)
Баланс (100 жол + 101 жол + 200 жол)
III. Қысқа мерзімді міндеттемелер
Амортизациялық құны бойынша бағаланатын қысқа мерзімді қаржылық міндеттемелер, Қысқа мерзімді сауда және басқа кредиторлық берешек, Қысқа мерзімді бағалау міндеттемелері, Қызметкерлерге сыйақы, Басқа қысқа мерзімді міндеттемеле, Қысқа мерзімді міндеттемелердің жиыны (210-дан 222-ге дейінгі жолдардың сомасы)
IV. Ұзақ мерзімді міндеттемелер
Кейінге қалдырылған салық міндеттемелері, Ұзақ мерзімді міндеттемелердің жиыны (310-дан 321-ге дейінгі жолдардың сомасы)
V. Капитал
Жарғылық (акционерлік) капитал, Бөлібеген пайда (жабылмаған шығын), Меншік иелеріне жатқызылатын капиталдың жиынтығы (410-дан 415-ке дейінгі жолдардың сомасы), Барлық капитал (420 жол + 421 жол), Баланс (300 жол +301 жол+400 жол + 500 жол)

КАПИТАЛДАҒЫ ӨЗГЕРІСТЕР ТУРАЛЫ ЕСЕП
2024 жылғы 31 желтоқсанда аяқталатын кезең үшін.
Компоненттердің атауы атауы, Жолдың коды, Меншік иелеріне қатысты капитал (күтілуде), Жарғылық (акционерлік) капитал, Эмиссиялық кіріс, Сатып алынған меншікті үлестік құралдар, Басқа жаңылық кірістері мен иелері, Бөлібеген пайда, Басқа да капитал, Баланс бойынша меншік иелерінің үлесі, Барлық капитал
Өткен жылдың 1 қаңтарына арналған Сальдо, Қайта есептелген сальдо (010 жол + / - 011 жол), Жалпы жиынтық табыс, барлығы (210-жол + 220-жол): Бір жылдағы пайда (шығын), Меншік иелерімен операциялар, барлығы (310-дан 318-ге дейінгі жолдардың сомасы): оның ішінде: Меншік иелерінің жарналары, Өзге де операциялар, Есепті жылдың 1 қаңтарына арналған Сальдо (100-жол + 200-жол + 300-жол + 319-жол), Қайта есептелген сальдо (400 жол + / - 401 жол), Басқа операциялар, Есепті жылдың 31 желтоқсанындағы Сальдо (500 жол + 600 жол + 700 жол + 719 жол)

